

徐溝縣志

此

卷之二

序

原序

目錄

姓氏

凡例

圖考

星野

建置

疆域

關梁

山川

城池

公署

學校

地

14329

32

重修徐溝縣志序



國有史邑有志所以詳故典備
實錄也其來舊矣予獨以志更
詳於史史紀其大綱而已凡五
方風氣純雜萬民好惡殊趨與

徐溝縣志

卷之一 序

夫閭門閭巷之間奇節隱行採
風者偶不及則不能筆之於史
而志獨傳之是志之所存者史
之所遺也然予又以志之修也
更難於史史出於朝廷有記注

有掌故有筭局有外官聚海內
英賢互相考訂筆則筆削則削
而一代之史以成若夫方隅小
邑才識之士百不得一蚩蚩者
雖耳聞目見而非其所好卽遇

有心者探奇記異而上之人不
能博採廣詢以彙爲卷帙不數
年間人往風微其湮沒而無傳
者何可勝道此予閱徐溝縣志
而不能不有憾於前人也縣於

宋紹興三十二年設自金人至
明萬曆三十五年隴西楊君守
此土始立志四十年劍州王君
繼之復重編焉嗟乎自紹興至
萬曆四百餘年矣其間疆域豈

無變遷建置豈無因革戶口徵
徭豈無損益學校祠宇豈無興
廢秩官之賢否人物之秀頑藝
文之顯晦不知凡幾而皆使之
消亡於四百餘年中者是誰之

過歎自非楊王二公勿論事跡
無可考弁不知是邑之創於何
代也亦可怪已雖然自二公以
至於今不又已百餘年耶若仍
安固陋不爲修明而表章之不

又使百餘年來之可傳者而竟
不傳耶予與邑之士大夫慨然
念之皆曰是不可待於秋七月
立局延邑之博學而能文者據
其筆疑者刪之信者增之務核

其實母亂其真凡例條目仍遵
舊本閱一月而編成舊志九十
版新增二百六十版其計四卷
爲捐俸而付之梨棗因告於二
三君子曰予豈嗜古而好名者

耶其所以重修是志不敢一日
緩者庶幾顯微闡幽俾他日採
風者過而訪焉得有所徵信聊
補史官之所不逮且以上繼二
公之志不致後之人有憾於予

并有憾於二三君子也則幸矣
至於地狹民貧衝煩凋瘵之狀
不堪繪圖者閱志者自得之予
不復道也


嘗

徐溝縣志

卷之一 序

六

康熙五十一年歲次壬辰仲秋
知徐溝縣事會稽王嘉謨題
於署中



重修徐溝縣志序

夫邑之志卽古之列國史所以
昭往蹟示來世垂法戒寓勸懲
典甚重也徐邑舊志草創於萬
曆三十五年隴西楊公繼成於
萬曆四十年劍閣王公迄今蓋

百餘年矣其間疆域之變遷建
置之沿革賦役之增減學校之
興廢官師之賢否與夫人物之
優劣風俗之淳澆藝文之奇特
皆未補入百餘年來望修甚急

巳丑夏

也侯王公以會稽世家來今是邑下
車之始卽以修志爲己任奈地
甚衝煩未遑從事越三年政通
人和百廢具舉簿書之暇復喟
然嘆曰舊志殘缺極矣前人
修以至於此使今日復俟後人

倣將安極遂於壬辰七月之七
日延邑之老成能文者館於闕
帝廟內採訪彙集閱一月而志
告成凡四卷分類析目闡幽摻
遠述古據新紀事纂言皆核其
實而會其精真一邑之信史也

將付剞劂次子士進攜稿來汾
備述王公修志始末復欲余
言附諸簡余以爲徐邑古晉地
也晉之乘與魯之春秋相埒夫
春秋之作一字之褒榮於華衮
一字之貶嚴於斧鉞斯志也亦

春秋之遺意也後之蒞斯地生
斯土者誠能借鑑斯志仰止循
良之芳躅景行賢哲之令儀於
諸先達若羹墻見之且暮遇之
砥礪澡濯名垂永久庶不負
王公重修至意否則徒侈談往

哲遜美前徽褒不足勸貶不足懲寧不負王公今日之舉乎
公名嘉謨字慎齋其仁心善政自載之口碑茲特以修志序也故
不贅

嘗

康熙五十一年歲次壬辰桂月

署汾州府教授邑人閻開泰

撰



徐溝縣爲藩南首邑省會要衝其疆境方域甚佳稱藪爾而忠孝節義不無概見倘無誌以載故實無論文茲土者布令正衆之無稽卽士大夫之憑軾而過者吊古問俗亦無微焉萬曆丁未秋予承乏叨令是邑不無民風之思甫抵任索志一覽諸士咸曰徐溝初爲徐川鎮金始設縣志從來無矣竊思國無其志文獻奚考勸懲何據是亦守土者之責也予有志纂修尙未之逮適丁未春臺憲檄各屬守令分纂以備一方之實錄予於心甚有愜焉遂承命謀及

徐溝縣志

卷之一 楊序

學博者儒相與考訂追輯往昔探索遺亡彙而次之書成諸學博爲予宐有言弁諸首予始喟然曰志者識也邑中輿地以及藝文皆識之矣獨有感於今日之地狹民貧衝煩健訟上下凌替蔑視三尺予甚戚焉猶幸朴野愚直一念尙未泯於人心其視務華絕根斲喪無餘者遠甚司牧者若善導之可以爲文爲武爲節者崛起不善導之毋怪乎爲野爲悍爲競者比比然也以故黽勉拮据彰善癉惡作民表而示民趨俾一方風氣釐然丕變期無愧於師帥之責者其在今日哉大抵疆宇狹則物產寡貧窶甚則生

理微亦理勢之必然者所恃採風問俗之君子見之而
加憐恤未必不藉斯志矣故不辭淺陋而特爲序云萬
三十五年春月

原敘

明知縣 王敷

誌者史類也史自攝提紀後文代結繩字代符節迄今雖
邊陲彈邑心心啄啄莫不有記以備一方之實錄且惇文
獻也第其義例貴明體裁貴正紀事貴核庶幾前有證後
有攷或美善刺惡不至湮沒無傳耳學承乏叨令徐溝屢
索邑乘未得閱及訊以闕狀僉謂邑小且新設不暇不備
云無何謁古廟搜碑記偶見記稱咸書大金大定二年始
設縣治予因訝其有此更號徧質善士根窵問乃獲舊誌
藁披之皆祖若說予怖聞見溺人益信誌不可不編定也

徐溝縣志

卷之一 王敷

夫彛夏防甚峻君臣諛恭嚴此大綱不明何以淑世正人
心嗟皇宋辱於金而大定二年正南渡時紹興三十二年
也高宗雖偏安實中原正統今當稱為宋紹興三十二年
金人設縣庶綱常在人心不至泯滅而亦可以維世勸民
茲予不揣擣味輒擁篲先驅沿前誌改正之邊春秋書法
亦倣改周爲唐藩魏帝蜀之直筆也或者體正事核而義
例不謬於聖賢耳匪是將亥豕羊鳴退處醬醜間奚取災
木乎事蹟俱仍舊帙成篇亦以鄰邑可互見予不敢以生
晚路妄作之訾且縣境叢爾間於五縣並爲晉陽首衝

不數十里前精神明詰交轅焉凡卓然育民造士
維風自本之司世教者予慈奉行之不暇安敢以臆見
曾為政惟日夕望紫氣承祥風是倪倪化化爾錄完因捐
俸什梓以備攷云萬曆四十年冬月

徐溝縣志

卷之一

王敘

徐清縣志目錄

卷之一

序

原序

目錄

姓氏

凡例

圖考 第一

星野 第二

徐清縣志

卷之一 目錄

建置 第三

疆域 第四 關隘附

山川 第五

城池 第六

公署 第七

學校 第八

卷之二

祠祀 第九

音賦 第十

屯田 第十一

水利 第十二

鹽法 第十三 錢法附

兵防 第十四

馬政 第十五 驛遞附

帝王 第十六

職官 第十七

名宦 第十八

卷之三

徐溝縣志 卷之一 目錄

選舉 第十九

人物 第二十 鄉賢附

忠孝 第二十一 尚義附

貞節 第二十二

隱逸 第二十三

流寓 第二十四

仙釋 第二十五

風俗 第二十六 土產附

古蹟 第二十七